

Til ungdomsskulane i Hordaland

 Dato: 05.09.2018
 Vår ref.: 2015/8963-4
 Saksbehandlar: laiu/v
 Dykkar ref.:

Informasjon om melding til Hordaland fylkeskommune som gjeld 1. februar-søkjjarar

Vi viser til forskrift til opplæringslova kap. 6 *Inntak til vidaregåande opplæring*. Informasjonen i dette brevet handlar om § 6- 15, § 6- 17 og § 6-18 i forskrifta.

§ 6-15 Fortrinnsrett til eit særskilt utdanningsprogram

Kommunen må melde søkjaren til opplæringsavdelinga i fylkeskommunen som skal vurdere om eleven har rett til inntak etter denne paragrafen. Sakkunnig instans er PP-tenesta i fylkeskommunen. Elevar som søker om fortrinnsrett etter § 6-15 må ha:

- rett til spesialundervisning etter § 5-1 i opplæringslova. Behovet for spesialundervisning må vere omfattande på grunn av vanskaner som ligg til grunn for søknaden.
- eit særleg behov for inntak til eit bestemt utdanningsprogram. Dette behovet må vere svært viktig for moglegheit for å fullføre vidaregåande opplæring med **full** yrkes- eller studiekompetanse. Motivasjon eller diagnosar aleine utløyser ikkje denne retten.

Kva skal kommunen sende til fylkeskommunen:

Kommunen v/ rektor skal sende utfylt skjema *Meldeskjema ved søknad om fortrinnsrett* med vedlegg (sjå <https://www.hordaland.no/nn-NO/utdanning/vgs/soknad-og-inntak/>)

På bakgrunn av dette vil opplæringsavdelinga v/seksjon skule:

- Vurdere om søkjaren oppfyller dei to vilkåra i § 6-15
- Dersom søkjaren oppfyller vilkåra, vil opplæringsavdelinga v/seksjon skule melde søkjaren vidare til fylkeskommunal pp-teneste (OT/PPT) for ei sakkunnig vurdering etter § 6-16.
- Dersom søkjaren *ikkje* oppfyller vilkåra, blir saka sendt tilbake til kommunen med skriftleg grunngjeving. Saka blir då ikkje meldt vidare til OT/PPT.

Frist for melding: For skuleåret 2018/2019 er fristen **1. oktober 2018**.

§ 6-17 Fortrinnsrett for søkjarar med sterkt nedsett funksjonsevne

Kommunen må melde frå til opplæringsavdelinga i fylkeskommunen om søkjarar som går no på 10. trinn med sterkt nedsett psykisk eller fysisk funksjonsevne. Elevar som søker med fortrinnsrett etter § 6-17 må ha:

- Vedtak om spesialundervisning
- Sterkt nedsett funksjonsevne
- Eit særleg behov for å bli tatt inn på ein skule som er særskilt tilrettelagt, grunna den nedsette funksjonsevna

Kva skal kommunen sende til fylkeskommunen:

Kommunen v/ rektor skal sende utfylt skjema *Meldeskjema ved søknad om fortrinnsrett* med vedlegg (sjå <https://www.hordaland.no/nn-NO/utdanning/vgs/soknad-og-inntak/>)

Frist for melding: For skuleåret 2019/2020 er fristen måndag **1. oktober 2018**.

§ 6-18 Fortrinnsrett for søkjarar med rett til opplæring i eller på teiknspråk

Kommunen må melde søkjaren til opplæringsavdelinga i fylkeskommunen som skal vurdere om eleven har rett til inntak etter denne paragrafen. Sakkunnig instans er PP-tenesta i fylkeskommunen. Elevar som søker om fortrinnsrett etter § 6-18 må ha:

- a. rett til opplæring i eller på teiknspråk etter opplæringslova § 2-6 frå grunnskolen, og/eller behov for opplæring i eller på teiknspråk etter § 3-9 i opplæringslova
- b. behov for å gå på ein skule som er særleg tilrettelagt for hørselshemma (knutepunktskule) eller på ein ordinær skule med teiknspråktolk

Kva skal kommunen sende til fylkeskommunen:

Kommunen v/ rektor skal sende utfylt skjema *Meldeskjema ved søknad om fortrinnsrett* med vedlegg (sjå <https://www.hordaland.no/nn-NO/utdanning/vgs/soknad-og-inntak/>)

På bakgrunn av dette vil opplæringsavdelinga v/ seksjon skule:

1. Vurdere om søkjaren oppfyller dei to vilkåra i § 6-18
2. Dersom søkjaren oppfyller vilkåra, vil opplæringsavdelinga v/seksjon skule melde søkjaren vidare til fylkeskommunal pp-teneste (OT/PPT) for ei sakkunnig vurdering etter § 6-41.
3. Dersom søkjaren *ikkje* oppfyller vilkåra, blir saka sendt tilbake til kommunen med skriftleg grunngjeving. Saka blir då ikkje meldt vidare til OT/PPT.

Frist for melding: For skuleåret 2019/2020 er fristen **1. oktober 2018**.

Dokumenta skal sendast til:

Hordaland fylkeskommune
Seksjon skule
Pb. 7900
5020 Bergen

For spørsmål ta kontakt med Opplæringsavdelinga, Seksjon skule, tel.96942964 eller 96942921.

Linda Farestveit
seksjonsleiar

Laila Ulvestad
seniorrådgjevar

Brevet er godkjent elektronisk og har derfor inga underskrift.